

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10) a u skladu sa Budžetom Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), na prijedlog Ministarstva za privredu, Vlada Zeničko-dobojskog kantona na 10. sjednici, održanoj dana 21.06.2019. godine, d o n o s i

ZAKLJUČAK

I.

Odobravaju se finansijska sredstva Fondaciji „Osman-ef. Redžović“ Visoko u iznosu od 12.000,00 KM (slovima: dvanaest hiljada konvertibilnih maraka), na ime sufinansiranja Projekta „Obnova centralne kule na srednjevjekovnoj utvrdi Čajangrad“.

II.

Sredstva odobrena ovim zaključkom realizovat će se nakon što Razvojna banka Federacije Bosne i Hercegovine sa transakcijskog računa broj: 195-001-00000014-89, otvorenog kod Centralne banke Bosne i Hercegovine, izvrši prijenos sredstava na transakcijski račun Zeničko-dobojskog kantona broj: 1340100000017386 otvoren kod ASA banke dd Sarajevo.

Nakon prijenosa sredstava, isplata odobrenog iznosa izvršit će se iz Budžeta Zeničko-dobojskog kantona za 2019. godinu, razdjel 18, budžetska organizacija 01, potrošačka jedinica 0001, ekonomski kod 614 500, pozicija «Subvencije privatnim preduzećima i poduzetnicima - ESCROW sredstva», na transakcijski račun broj: 199-047-00052965-39 Sparkasse Bank d.d. Sarajevo, Poslovnica Visoko.

III.

Obavezuje se Fondacija „Osman-ef. Redžović“ Visoko da, u roku od 3 mjeseca po završetku radova u drugoj fazi projekta, a najkasnije do 31. oktobra 2019. godine, Ministarstvu za privredu dostavi izvještaj o utrošku odobrenih sredstava.

IV.

Za realizaciju ovog zaključka zdužuju se Ministarstvo za privredu i Ministarstvo finansija da, svako u okviru svojih nadležnosti.

V.

Zaključak stupa na snagu danom donošenja.

Broj: 02-_____/19
Datum, 21.06.2019. godine
Z e n i c a

PREMIJER
po ovlaštenju

Mirnes Bašić

DOSTAVLJENO:

1x Ministarstvo za privredu,
1x Ministarstvo finansija,
1x Razvojna banka Federacije Bosne i Hercegovine, putem ministarstva,
1x Fondacija „Osman-ef. Redžović“ Visoko, putem ministarstva,
1x a/a.